

YUDE Hun Kat é Laiká (Jude)

¹ Yesuq Hkrisduq é dui-nhâng zoshâng nghut sù eq Yakuq é yhanggu, ngò Yude gi, haù Íwa Garai Gasâng èq ji yù mù, chyitdap é hui luí, Yesuq Hkrisduq èq upzúng é hui bâng chyáng dang kyô kat lhê.

² Shogyo nhikmyin hkyô, nguingón hkyô eq chyitdap hkyô gi, nungmoq chyáng agùn agó joq nyì sháng gaq ô!

Garai A Wó Bâng É Yubak Mara

³ Chyitdap é luzúm wuì ê, ngò gi, nga-nhúng chôm wó é hkyi yù hkyô haù eq séng luí, nungmoq lé gyai yhang kê kat byí nau é nghut lhê wá, haù sân-yúng bang lé, radá dâm jâng ap byí to bê nghut é lumjínng hkyo é matú nungmoq htuq htíng râ dut é lé, myit wum byi râ hkyô ká râ dut é lé, ngò byu-myang ri. ⁴ Hkâsu mù gâ le, haù mara dam byí é hui zo râ hkyô lé, a-nham pyat mai kê matsíng tô é hui bê bang ra-am gi, nungmoq chyáng hkaù wang lò bekô nghut ri. Yhangmoq gi, Garai a wó é bang nghut luí, haù nga-nhúng é Garai Gasâng jeju lé, mingkan ngón hkyo èq htaì lhik pyám kô é htoq agó, Yhang za nga-nhúng é Yhumsíng nghut sù eq Ahko ahkáng lhunglhang wó sù, Yesuq Hkrisduq lé he-ngik pyâm akô nghut ri.

⁵ Nungmoq kúm gi, shí pé banshoq lé sê to gù nghut kôlhang, ngò mai nungmoq lé taì pún nau é hkyô gi, a-ô mâ é pé nghut lhê: Haù gi, Yhumsíng Garai mai, Yhâng é byu pé lé, Egutuq ming mai hkyi htoq yù kôlhang, a lumjínng é bang lé gi, htâng má dum lhoq htên pyâm é nghut lhê. ⁶ Hau htoq agó, haù yhumsing é ayá lé tô pyám luí, yhumsing é nyì jowò lé pyâm tô é maumâng

pé lé, Yhang gi, haû tarâ jéyáng é hui râ Buinyì mó jé shoq, ahtum abyuq é toqjâng tuí eq tui luí, mauchut hkaû má lhûng tô é nghut lhê. ⁷ Haû eq rajung za, Sodom eq Gomoraq myuq eq hau é awui ayàm mâ é wà pé mâ é bang gi, ashop é dông gungsho zùm yap é hkyô shut é eq myiwe yhangchang yuqgè yhangchang nyì zô lhûm é hkyô kut kô é nghut mù, yhangmoq gi, ahtum abyuq é myi má dam byí é hpuzo bâng é alik dut bekô nghut ri.

⁸ Haû eq rajung za yhang, yhupmoq moq é byù shí bang gi, yhumsing é gungsho lé agot a-û kut kômù, ahkáng ayá wó sù lé he-ngik pyám kôluí, mauhkûng bang lé lumù gansang akô nghut ri. ⁹ Nghut kôlhang, haû maumang lagyo agyì Mihkaelaq lhang gi, Mosheq é gùng eq séng lui, haû nat zau eq dang rhâng lhûm é hkûn, yhang lé rhoi é dông mara hûn dang a wám taí é za, "Nang lé, haû Yhumsîng nhik-yo sháng gaq!" ga za taí ri. ¹⁰ Nghut kôlhang, byù haú bang gi, yhangmoq a sê gyô é hkyô pé lé rhoi dang taí pyâm akô nghut ri; yhangmoq gi, haû myit woi-nyí a bo é dusak pé su, yhumsing myit mai sê gyô é hkyô pé má lhang, yhumsing gùng lé lhoq htên yu akô nghut ri.

¹¹ Yhangmoq gi, dingnyé wó râ! Hkâsu mù gâ le, yhangmoq gi, Ka-in* kut é agè ashop é hkyô dông cháng kô é yanmai le, akyû wó râ matú, Balam† shut é dông bo shut kô é yanmai le, Kora‡ é gumlau toq hkyô kut kômù, yhang su htên byoq byuq é hui kô é yanmai le nghut ri.

¹² Yhangmoq gi, nungmoq é chyitdap zoshuq poí má nungmoq lé agot a-û wó dut nhang é bang nghut mù,

* 1:11 Ka-in gi, yhanggu lé sat sù nghut lhê. Apûn 4:1-8 † 1:11 Balam gi, myiqhtoi nghut lhê, nghut kôlhang, ngunzè lé myoqnoq mù, Garai lé shut sù nghut lhê. Gyung So 22:1-35 ‡ 1:11 Kora gi, Garaí byù nghut é hkyô-u shê sù Mosheq lé gumlau toq é hkyangjong nghut lhê. Gyung So 16:1-33

gyuq hoq a bo é za, nungmoq eq rahá chôm zoshuq kô é hkûn, yhumsing gùng lé za yhumsîng lhoq gyî yu é sau zúng bang nghut akô; yhangmoq gi, lai èq mut tâng wún é, mau a bo é mhut pé su nghut é htoq agó, ashi a zui mù, amyit eq roq hpûn pyám luî, í dâm shi é, xung nám lhê é sikgâm pé su nghut akô. ¹³ Yhangmoq gi, yhumsing é hoq jung lé, tsû-myup su htoq nhang é, haû wuimau mâ é kô é wuilhêng pé eq, tuq tuq chut é mauchut hkaû má tarâ jéyáng hui râ matú, ahtum abyuq tô to huí é, yông wún é kyî pé su nghut akô.

¹⁴ Byù haû bang eq séng luî, Adam mai byùxik nyhit xik má nyi é Eruk, myiqhtoi htoi tô é gi, "Wú keq, haû Yhumsîng gi, Yhâng é chyoiyúng bang mun mun sen sen eq rahá gyó lé lo nyi bê nghut ri. ¹⁵ Yhang gyó lé lo é gi, yuq hkangmó lé tarâ jéyáng râ matú eq, haû tarâ a hkunggâ é lhunglhâng bang, tarâ a hkunggâ é dông kut é muzó pé banshoq lé le, tarâ a hkunggâ é yubak byu pé, Yhang lé tâi shut é dang htân pé banshoq lé le, mara byi râ matú nghut lhê." gâ ri. ¹⁶ Byù haû bang gi, put dang taí é bang eq mara hûn dang taí é bang nghut akô; yhangmoq gi, yhumsîng ô nau é agè ashop hkyô cháng kô é htoq agó, yhumsing gùng yhumsîng nghutbûn é dang taí é eq yhumsing maiwáng zat é dông, góbang lé owaq é bang nghut akô.

Hkam Jân Râ Hkyô

¹⁷ Nghut kôlhang, ngò chyitdap é luzúm wuî ê, nungmoq gi, haû nga-nhûng é Yhumsîng Yesuq Hkrisduq é lagyô pé mai te tâi tô é dang lé, bûn nyi keq. ¹⁸ Hkâsu mù gâ le, yhangmoq gi, "Haû ló htâng é ahkyíng pé má, tarâ a hkunggâ é yhumsîng ô nau é hkyô dông châng é, rhoijapdap dang taí é byu pé nyi to râ nghut lhê." ga, nungmoq lé tâi wú kô é nghut lhê. ¹⁹ Byù haû bang gi, nungmoq lé

gam hkoq é bang, mingkan hkyô lé baú za châng é bang, haú Woi-nyí a bo é bang nghut akô.

²⁰ Nghut kôlhang, ngò chyitdap é luzúm wuê ê, nungmoq gi, haú Chyoiyúng Woi-nyí má kyûdông é đông, nungmoq é chyoiyúng é lumjúng hkyô má, yhumsing gùng yhumsing lhoq kô yu nyí keq. ²¹ Ahtum abyuq é asak lé wó yû râ matú, haú nga-nhông é Yhumsing Yesuq Hkrisduq é shogyo nhikmyin hkyô lé lánq uchyang, nungmoq gi, Garai Gasâng é chyitdap myit má, yhumsing gùng yhumsing nyi nyí keq.

²² Lumjúng hkyô má úng-âng é bang lé, shogyo nhikmyin nyí keq; ²³ góbang lé gi, myi mai she htoq yû mù, hkyi yù keq; dum, góbang lé gi, sidiq myit èq shogyo nhikmyin hkyô tân shit mù, haú gungshô é achag achyut dap é yhangmoq é mebu lé chaq nyí keq.

Hkya-on Kungtôn Dang

²⁴⁻²⁵ Nungmoq lé, a lingbat shoq wó upzúng luê, nungmoq lé, mara hân râ hkyô a bo é za, gabú dik é đông mai Yhang é hpungwup shingkan bo é myoq hí má wó shuê shit é, nga-nhông é hkyi yù Sû, rayuq za nghut é Garai Gasâng chyáng, hpungwup shingkan, hkikhkam hkyô, hpungwup a-tsam eq ahkáng ayá gi, nga-nhông é Yhumsing Yesuq Hkrisduq đông mai, lâi lò bê ipyat pé má le, ahkuí pyat má le, pyat dedu ahtum abyuq má le, rujoq nyí sháng gaq ô! Amen.

Chyoiyúng chyumlaiká: dangshikaq asik; Zaiwa New Testament in Zaiwa

copyright © 2009 Wycliffe Bible Translators, Inc.

Language: Zaiwa

Translation by: Wycliffe Bible Translators, Inc.

Copyright Information

© 2009, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

Printed book ISBN 9781921445408

The New Testament

in Zaiwa

© 2009, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

Updates
eBible.org

PDF generated using Haiola and XeLaTeX on 17 Nov 2018 from source files dated 20 Jan 2018

23f9fc55-a8a4-59ef-9513-707ec336b0ee